

Tinan susesu ida tan ba Harii Hamutuk

Serimonia enseramentu Harii Hamutuk, Ezersisiu militar annual ne'ebé hatudu servisu maka'as no kolaborasaun husi enjineiru sira husi Forsa Defeza Timor-Leste (F-FDTL) no nasaun parseiru sira halao ona iha loron 7 Novembru 2017 iha Baze Militar Metinaro. Iha tinan dalimak ezersisiu ne'e nian, halibur hamutuk enjineriu sira husi Timor-Leste, Australia, Estados Unidos no Japaun hodi dezenvolve projetu xave infrastrutura sira.

Harii Hamutuk 2017 involve membru 110 husi F-FDTL, Membru Forsa Australia 1st Combat Engineer Regiment, Forsa Naval Estados Unidos Seabees Civic Construction Action Detail, Mariñeiru Estados Unidos 9th Engineer Support Battalion no Forsa Auto-defeza Japaun ne'ebé servisu hamutuk durante semana ne'en hodi dezenvolve sira nia abilidade iha konstrusaun, desenvolvimentu infrastrutura no manutensaun ekipamentu.

Enjineiru sira ne'e hetan formasaun konaba hada blok, karpintaria, instalasaun eletrisidade, instalasaun sistema be'e mo'os no transportasaun material. Harii Hamutuk 2017 mo'os oferese oportunidade ba enjineiru sira hodi dezenvolve sira nia kapasidade atu sai lider.

Partisipante sira realiza projetu infrasturtura sira durante ezersisiu ne'e inklui projetu rehabilitasaun no manutensaun iha Baze Militar Baucau no Metinaro. Enjineiru sira mo'os hadiak sistema be'e mo'os no drainajen iha postu saude Sidara ne'ebé vital tebes ba comunidade iha area ne'eba.

Harii Hamtuk no treinamentu sira seluk sai parte esensial ida husi kooperasaun atual militar no siguransa entre Timor-Leste, Australia, Estados Unidos no Japaun. Kolaborasaun ne'e demonstra komitmentu mutual husi nasaun parseiru sira atu apoia desenvolvimentu kapasidade defeza Timor-Leste nian.